

**Pist.** *Germen* lineare, arcuatum. *Stylus* filiformis, incurvus, adscendens, leviter compressus. *Stigma* obtusum, crassiusculum.

**SEM.** unum, duo, vel tria.

Petala lateralia utrinque ex imo folioli superioris calycis & petalum intermedium e regione ipsius folioli superioris prodeunt.

Staminum membrana a petalis ad inferiorem Germinis partem extenditur.

85. **CISSUS.** *Amenit. acad. 4. p. 889. n. 1039.*

Vidi tres species Americanas, amicissime in omnibus partibus floris & fructus consentientes, quasque proximas & vix distingvendas esse autumo, licet Characteri Cissi l. c. non respondeant. Præterea Bacca gaudent monosperma, qua carent Hedera & Vitis, vixque crediderim Dn. MITCHELIUM, has meas nomine Helicis intellexisse.

En Characterem specierum Americanarum.

**CAL.** margo brevissimus existans l. patulus, subinteger, obsolete quadridentatus, medium Germinis cingens.

**COR.** *Petala* quatuor, oblongo-ovata, minima, convexa, crassiuscula, lateribus incurvis; distincta, creta.

*Nectarium*: margo acutus, brevissimus, coronans vel cingens Germen intra stamina, obsolete quadrangulus, quadrifariam (pro staminibus) obsolete emarginatum, intus plis aliquot raris refertum.

**STAM.** *Filamenta* quatuor, subulata, corolla paulo breviora, patula, extus nectario inserta, e regione petalis correspondentia. *Anthera* oblongæ, parvæ.

**Pist.** *Germen* fundo Nectarii immersum. *Stylus* erectus, subulatus, staminum aitudine. *Stigma* acutum, simplicissimum.

**PER.** *Bacca* globosa, umbilicata, glabra.

**SEM.** unicum, ovatum, acuminatum.

Inflorescentia est cymosa.